

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Trump njofton marrëveshjen për Groenlandën: Do të kontrollojmë sigurinë e saj! SHBA siguron të drejta t ë përhershme ushtarake në ishull
ADRESA	https://tpz.al/trump-njofton-marreveshjen-per-groenlanden-do-te-kontrollojme-sigurine-e-saj-shba-siguron-te-drejta-te-perhershme-ushtarake-ne-ishull-i333319
BURIMI	tpz.al
GJENDJA	online

KOHA


KAPUR NGA NE	19 shtator 2026, 07:04:46 UTC <i>Dritarja jonë e pasigurisë: ± 900 s — intervali me të cilin e kontrollojmë këtë burim.</i>
DEKLARUAR NGA PORTALI	19 shtator 2026, 07:03:00 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	9760702927702edbb3ccdbcd338b7cd5f6b3c54c3ad42ab0fe740c8682ed9088
TEKSTI	eddf29e4213ada91cf6f1571d5e41374768b90eb117b337f6601d91176b005ce
PAMJA	e6babf73a81d75e7ec8f9a2bee0401fa44866a0d7809b88c1b4c0f3316de717c

ZINXHIRI I PROVËS

KJO HYRJE	1097cc6b7c85500c0e762cfb5da20f68c69745d95a04a03fa98cf5007d48346b
E MËPARSHMJA	—
RRËNJA MERKLE	e49771c1bd8e7ea1d6f74cef9fb8bb705b51ae37158277bf74b8b36f09df048a
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahazo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/1097cc6b7c85500c0e762cfb5da20f68c69745d95a04a03fa98cf5007d48346b>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px

FLASH! 18:56 Erion Veliaj thyen këmbën duke luajtur futboll në paraburgim, dërgohet në spital • 18:10 "Shuplakë" Serbisë dhe Bosnjes, presidentja e KE vizitë në Shqipëri, Kosovë, M

BOTA, 19 SEPTEMBER 2026, 09:03

Trump njofton marrëveshjen për Groenlandën: Do të kontrollojmë sigurinë e saj! SHBA siguron të drejta të përhershme ushtarake në ishull

tpz.al TPZ



Presidenti i SHBA-së, Donald Trump, njoftoi se Shtetet e Bashkuara kanë arritur një marrëveshje me Danimarkën dhe Groenlandën për sigurinë në ishullin strategjik të Arktikut.

Sipas Trump, marrëveshja parashikon forcimin e pranisë ushtarake amerikane në Groenlandë dhe përjashton mundësinë që kundërshtarët e SHBA-së të krijojnë atje prani ushtarake apo ekonomike.

Arritjen e marrëveshjes e konfirmuan edhe Kopenhaga dhe Groenlanda, duke bërë të ditur se nënshkrimi pritët të bëhet javën e ardhshme, në kuadër të punimeve të Asamblesë së Përgjithshme të OKB-së.

Në një postim në platformën Truth Social, presidenti amerikan deklaroi se SHBA-ja ka arritur një marrëveshje me Mbretërinë e Danimarkës dhe Groenlandën, e cila, sipas tij, u garanton Shteteve të Bashkuara kontroll të përhershëm mbi sigurinë dhe të gjitha nevojat e tjera në Groenlandë.

Trump theksoi se marrëveshja adreson të gjitha shqetësimet e shumta të Shteteve të Bashkuara, ndërsa shtoi se ajo nuk do të ketë asnjë kosto për SHBA-në.

"Me urdhrin tim, ne bashkëpunuam me përfaqësues të Danimarkës dhe Groenlandës për të garantuar që Shtetet e Bashkuara të kenë përgjithmonë kapacitetin e plotë për të bërë gjithçka të nevojshme në Groenlandë, për të garantuar dhe mbrojtur sigurinë e Groenlandës dhe të Shteteve të Bashkuara të Amerikës", shkroi ai.

Presidenti amerikan e cilësoi marrëveshjen si një marrëveshje pa fund, duke e përshkruar si një "marrëveshje me kohëzgjatje të pakufizuar" dhe duke e konsideruar zhvillimin të rëndësishëm, historik dhe të veçantë për SHBA-në.

ide!

Vendimi i Hagës si moment reflektimi
Nga Ergys Mërtiri

Po tani, a duhet të dorëhiqet Veliaj?
Nga Andi Bushati

Tej e Këtej

Tronditet Edi Rama, i kërkohet largimi urgjent nga zyra brenda shtatë ditëve (letra)

Denonco!

Ke një lajm që do ta ndash me redaksinë e TPZ? Na shkruaj në Messenger ose [kliko këtu](#) për mënyra të tjera kontakti.



Moti

Tirana, Albania

WebTV



Ka frikë nga hetimet guvernatori? Ola Xama tregon pse i duhet super imuniteti Gent Sejkos

Trump njoftoi se SHBA-ja do të nise menjëherë procesin për vendosjen e një pranie të madhe ushtarake në ishull.

[Shiko të tjera video](#)

"Do të nisim menjëherë procesin e vendosjes së një pranie të madhe ushtarake në pikën e përshtatshme të Groenlandës, pasi ka shumë pika të tilla", deklaroi ai.

Në të njëjtën kohë, ai tha se SHBA-ja do të bashkëpunojë me popullin e Groenlandës për zhvillimin dhe ndërtimin e infrastrukturës.

Sipas presidentit amerikan, marrëveshja parashikon që asnjë kundërshtar i SHBA-së të mos mund të krijojë një bazë ushtarake, të mbajë prani ushtarake apo të kryejë investime të ndjeshme në Groenlandë pa miratimin paraprak të Uashingtonit.

"Nga ky moment e tutje, asnjë kundërshtar i SHBA-së nuk mund të ketë kurrë një bazë në Groenlandë, të ketë prani ushtarake në Groenlandë apo të bëjë investime të ndjeshme në Groenlandë pa miratimin tonë të shprehur me shkrim", tha Trump.

Ai pretendoi gjithashtu se për më shumë se 100 vjet presidentët amerikanë e kanë njohur rëndësinë strategjike të Groenlandës, por askush nuk kishte arritur të ndërmerre një hap të ngjashëm.

"Jam krenar që jam presidenti që e trajtoi përfundimisht dhe në mënyrë vendimtare këtë situatë shumë të rëndësishme", u shpreh ai.

Danimarka dhe Groenlanda konfirmuan arritjen e marrëveshjes me Shtetet e Bashkuara lidhur me sigurinë në Arktik dhe në Atlantikun e Veriut.

Kryeministrja daneze, Mette Frederiksen, tha se Kopenhaga dhe Groenlanda presin ta nënshkruajnë marrëveshjen me SHBA-në javën e ardhshme, në kuadër të Asamblesë së Përgjithshme të OKB-së.

"E mirëpres perspektivën e një marrëveshjeje të mirë për Groenlandën, Mbretërinë e Danimarkës dhe SHBA-në", tha ajo në një deklaratë.

Kryeministrja daneze theksoi se marrëveshja duhet të forcojë sigurinë e përbashkët në Arktik dhe Atlantikun e Veriut, duke nënvizuar se ajo do të jetë pozitive për NATO-n dhe Evropën.

Në të njëjtën kohë, Frederiksen theksoi se marrëveshja duhet të njohë sovranitetin dhe integritetin territorial të Mbretërisë së Danimarkës, si edhe të drejtën e popullit të Groenlandës për vetëvendosje.

Donald Trump ka deklaruar në mënyrë të përsëritur se Groenlanda ka një rëndësi kritike strategjike për sigurinë e Shteteve të Bashkuara.

Madje, ai kishte propozuar blerjen e ishullit nga Danimarka, një propozim që u refuzua nga Kopenhaga dhe Groenlanda, të cilat deklaruan se Groenlanda nuk është në shitje.

Marrëveshja e re, siç e paraqet presidenti amerikan, e zhvendos fokusin e diskutimit nga pronësia e ishullit drejt pranisë strategjike dhe ushtarake të SHBA-së në rajon.

Groenlanda, një territor autonom i Mbretërisë së Danimarkës, përbën një nga pikat më të rëndësishme gjeopolitike të Arktikut për shkak të pozicionit të saj, afërsisë me Amerikën e Veriut dhe rëndësisë në rritje të rajonit për sigurinë globale.

Rajoni ka marrë një rëndësi të shtuar edhe për shkak të rrugëve të reja detare që po krijohen në Arktik, si dhe konkurrencës së fuqive të mëdha për ndikim në këtë zonë.

Postimi i plotë i Trump

LAJMI I FUNDIT: Jam i nderuar të njoftoj se Shtetet e Bashkuara të Amerikës kanë arritur një marrëveshje me Mbretërinë e Danimarkës dhe Groenlandën, e cila u siguron SHBA-së kontroll të përhershëm mbi sigurinë dhe të gjitha nevojat e tjera në Groenlandë, duke adresuar plotësisht të gjitha shqetësimet e shumta të Shteteve të Bashkuara.

Nuk do të ketë asnjë kosto për Shtetet e Bashkuara!

Me urdhrin tim, ne bashkëpunuam me përfaqësues të Danimarkës dhe Groenlandës për të garantuar që Shtetet e Bashkuara të kenë përgjithmonë kapacitetin e plotë për të bërë gjithçka të nevojshme në Groenlandë, për të garantuar dhe mbrojtur sigurinë e Groenlandës dhe të Shteteve të Bashkuara të Amerikës.

Për më tepër, nga ky moment e tutje, asnjë kundërshtar i SHBA-së nuk do të mund të ketë kurrë një bazë në Groenlandë, të mbajë prani ushtarake në Groenlandë apo të kryejë investime të ndjeshme në Groenlandë pa miratimin tonë të shprehur me shkrim.

Për më shumë se 100 vjet, presidentët e Shteteve të Bashkuara e kanë njohur rëndësinë strategjike të Groenlandës, por asnjëri prej tyre nuk kishte arritur të bënte diçka për këtë.

Jam krenar që jam presidenti që e trajtoi përfundimisht dhe në mënyrë vendimtare këtë situatë jashtëzakonisht të rëndësishme.

Kjo është një marrëveshje me "kohëzgjatje të pakufizuar" – nuk ka fund!

Jemi jashtëzakonisht krenarë për atë që sapo ka ndodhur dhe gjithçka që u ra dakord sot do të respektohet nga populli amerikan.

Do të nisim menjëherë procesin e vendosjes së një pranie të madhe ushtarake në pikën e përshtatshme të Groenlandës, pasi ka shumë pika të tilla. Do të bashkëpunojmë me popullin e Groenlandës për zhvillimin dhe ndërtimin e infrastrukturës.

Kjo zgjidhje është e shkëlqyer për Shtetet e Bashkuara të Amerikës, Danimarkën, Groenlandën dhe të gjithë aleatët tanë.

Mezi presim të bashkëpunojmë me popullin e mrekullueshëm të Danimarkës dhe Groenlandës për një të ardhme të ndritur për këtë pjesë të madhe dhe jashtëzakonisht strategjike të tokës.

Do ta mbrojmë me çdo mënyrë!

Ky është një ëndërr që bëhet realitet për Shtetet e Bashkuara të Amerikës, diçka jashtëzakonisht e rëndësishme, historike dhe e veçantë.

Faleminderit për vëmendjen tuaj ndaj kësaj çështjeje!

Presidenti Donald J. Trump

BOTA / 18 September 2026, 22:41

Çmimet rekord të karburantit tronditin BE-në, rriten thirrjet për taksë mbi fitimet e kompanive të energjisë

BOTA / 18 September 2026, 22:07

Lufta me Iranin/ Mbi 20 ushtarë amerikanë të vrarë, Pentagoni raporton më pak viktima

BOTA / 18 September 2026, 22:05

Anthropic hap laborator biologjik në SHBA, inteligjenca artificiale hyn në kërkimin e barnave

BOTA / 18 September 2026, 21:59

Trump nuk i "fal", ndalon CNN dhe Politico nga Shtëpia e Bardhë, zbulohet arsyeja

BOTA / 18 September 2026, 21:39

Ndërrhyrja e jashtëzakonshme/ Pas 24 orëve operacion ndahen me sukses binjaket e bashkuara në kokë (Foto)

BOTA / 18 September 2026, 21:33

Zelensky pret udhëheqësit botërorë për samitin rajonal në Ukrainë mes pushtimit rus

BOTA / 18 September 2026, 21:00

Mobilizim masiv në Teheran, qindra mijëra iranianë marshojnë dhe zotohen për mbrojtjen e vendit

BOTA / 18 September 2026, 20:52

"Bishti i Majmunit" merr 49 jetë në Nigeri, 182 persona në spital nga alkooli i falsifikuar

BOTA / 18 September 2026, 20:48

Danimarka përshpejton ndihmën prej 241 milionë eurosh për Ukrainën pas provokimit nga një fregatë ruse

BOTA / 18 September 2026, 20:35

Pentagoni publikon dosjen e gjashtë për UFO-t, pamje nga Utah dhe hetimi 22 milionë dollarësh

BOTA / 18 September 2026, 20:25

Kështu i përgjon Rusia
qytetarët/ Aplikacioni
“patriotik” ku ka aksione
Putin, ekspertët: Më i frikshmi
që kemi parë

BOTA / 18 September 2026, 19:18

Fico: Nuk dua që Sllovakia të
përfshihet në luftë për shkak
të Nenit 5 të NATO-s

Pamja këtu është e ri-koduar për ta futur në dokument. Artefakti autoritar është skedari WebP i ruajtur, dhe hash-i i tij është ai i shtypur te faqja e parë — pra dallimi është i verifikueshëm, jo i fshehur.